

სსიპ საქართველოს შსს აკადემია



გამარტივებული ელექტრონული ტენდერის საშუალებით

წყლის ტუმბოების (CPV42122130)

შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ კანონის 12¹ მუხლისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების საფუძველზე

**ქ.თბილისი
2015**

სარჩევი

1. ინსტრუქცია ტენდერში მონაწილეობის.....	3
2. ტექნიკური დოკუმენტაცია.....	4
3. სახელმწიფო შესყიდვის შესახებ ხელშეკრულების პროექტი	6
დანართი N 1	9
დანართი N2	12

1. ინსტრუქცია ტენდერში მონაწილეობის

1.1 ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში - სისტემა) მეშვეობით.

1.2 სისტემაში შესყიდვის პროცედურები ხორციელდება „სახელმწიფო შესყიდვის შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 07 აპრილის #9 ბრძანების შესაბამისად.

1.3 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სისტემაში ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ.

1.5 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრეტენდენტს არა აქვს უფლება წარმოადგინოს ალტერნატიული წინადადება.

1.7 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხის“ მეშვეობით.

1.8 შესყიდვის პროცედურების შესახებ ინფორმაციისა და განმარტებების მიღება შეუძლია ნებისმიერ პირს სატენდერო კომისიის აპარატში. ქ. თბილისი, გმირ კურსანტთა ქუჩა #1, მე-3 სართული, ოთახი #311.

საკონტაქტო პირები:

მამელი ქობალია, email: m_kobalia@mia.gov.ge ტელ: 551 081 028

2. ტექნიკური დოკუმენტაცია

1. შესყიდვის ობიექტი და მისი ტექნიკური მახასიათებლები

1.1 მიმწოდებელმა შემსყიდველს უნდა მიაწოდოს წყლის საცირკულაციო ტუმბოები წინამდებარე დოკუმენტაციით გათვალისწინებული პირობებისა და ფასების ცხრილის შესაბამისად (დანართი №2).

№	დასახელება	აღწერილობა	განზ.	რაოდ.
1	წყლის საცირკულაციო ტუმბო	UPS 65/180F, თუჯის კორპუსით, სველ როტორიანი, მუშა ბორბალი უჟანგავი ფოლადის; მაქსიმალური მიწოდება 69 კუბი საათში; მიწოდების სიმაღლე 18მ; მაქსიმალური წნევა 10 ბარ.; მანძილი მიღტუნებს შორის 280მმ; წონა 32.7 კგ; ძაბვა 3X400 ვ; 3 სიჩქარიანი, სიმძლავრე 1100/1200/1550 ვტ.	ცალი	1
2	წყლის საცირკულაციო ტუმბო	UPS 50/185F, თუჯის კორპუსით, მუშა ბორბალი უჟანგავი ფოლადის; მაქსიმალური მიწოდება 30 კუბი საათში; მიწოდების სიმაღლე 18.5მ; მაქსიმალური წნევა 10 ბარ.; მანძილი მიღტუნებს შორის 280მმ; წონა 28 კგ; ძაბვა 3X400 ვ;	ცალი	1
3	წყლის საცირკულაციო ტუმბო	BPH60/340 65 T გათბობა: კონდიციონერების სისტემების სველ როტორიანი საცირკულაციო ტუმბო; ჰიდრაულიკის კორპუსი: თუჯი; ძრავის კორპუსი: ალუმინის შენადნობი; ძრავის ღერძი, სტატორის და როტორის კორპუსი: უჟანგავი ფოლადი; მოტორის ღერძი: უჟანგავი ფოლადი; ჩამკეტი ფლიანეცი: უჟანგავი ფოლადი; ძრავის ტიპი: სამფაზიანი, ორსიჩქარიანი მუშაობის რეჟიმი; სითხის დასაშვები ტემპერატურა: -10-დან +110 გრადუსამდე; ძაბვა: 3X400 ვ; დაცვის კლასი: IP44; იზოლაციის კლასი: F;	ცალი	1

შენიშვნა:

წინამდებარე დოკუმენტაციით გათვალისწინებული შესყიდვის ობიექტი უნდა იყოს მაღალი ხარისხის და უნდა გააჩნდეს მინიმუმ 1 (ერთი) წლიანი საგარანტიო ვადა.

ტენდერში მონაწილე ყველაზე დაბალი ფასის მქონე პრეტენდენტმა სატენდერო კომისიის წინაშე უნდა წარმოადგინოს მის მიერ შემოთავაზებული საქონლის ნიმუში, მოთხოვნიდან 3 (სამი) სამუშაო დღის ვადაში. მოთხოვნილ საქონელსა და ნიმუშს შორის შეუსაბამობის შემთხვევაში, სატენდერო კომისია უფლებამოსილია პრეტენდენტს მისცეს დისკვალიფიკაცია.

2. ანგარიშსწორების წესი და პირობები

2.1 სატენდერო წინადადებაში საერთო ფასი გამოსახული უნდა იყოს შესყიდვის ობიექტის მიწოდებასთან დაკავშირებით მიმწოდებლის მიერ გასაწევი ყველა ხარჯისა და საქართველოს კანონმდებლობით დადგენილი გადასახადების გათვალისწინებით.

2.2 ანგარიშსწორება მოხდება უნაღდო ანგარიშსწორებით ლარში.

2.3 ანგარიშსწორება მოხდება კანონმდებლობით გათვალისწინებული დოკუმენტაციის გაფორმებიდან არაუმეტეს 15 დღისა.

2.4 დაფინანსების წყაროს წარმოადგენს სსიპ საქართველოს შსს აკადემიის საკუთარი შემოსავლები.

2.5 საავანსო ანგარიშსწორება არ გამოიყენება.

2.6 ხელშეკრულების უზრუნველყოფის საბანკო ან/და სადაზღვევო გარანტია: არ გამოიყენება;

3. შესყიდვის ობიექტის მიწოდების ვადები და ადგილი

3.1 შესყიდვის ობიექტის მიწოდება განხორციელდება ხელშეკრულების გაფორმებიდან 10 კალენდარული დღის ვადაში.

3.2 შესყიდვის ობიექტის მიწოდების ადგილია: ქ. თბილისი, გმირ კურსანტთა ქ. №1.

4. პრეტენდენტის მიერ სისტემაში ასატვირთი მონაცემები

4.1 პრეტენდენტებმა ტექნიკური დოკუმენტაციის სახით სისტემაში (ელექტრონულად) უნდა ატვირთონ შემდეგი დოკუმენტები და ინფორმაცია:

ა) პრეტენდენტის საბანკო რეკვიზიტები, საიდენტიფიკაციო კოდი, საკონტაქტო ინფორმაცია, ხელმძღვანელის ან უფლებამოსილი პირის სახელი და გვარი, ასევე ინფორმაცია სატენდერო წინადადების მოქმედების ვადის თაობაზე (იხ. დანართი №1);

ბ) ფასების ცხრილი (იხ. დანართი №2);

4.2 პრეტენდენტის მიერ სისტემაში ატვირთული დოკუმენტები ხელმოწერილი და ბეჭედდასმული უნდა იყოს უფლებამოსილი პირის მიერ.

3. სახელმწიფო შესყიდვის შესახებ ხელშეკრულების პროექტი

ხელშეკრულება

სახელმწიფო შესყიდვის შესახებ №

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ქ. თბილისი

----- 2015წ

ერთის მხრივ, საჯარო სამართლის იურიდიულ პირი - საქართველოს შინაგან საქმეთა სამინისტროს აკადემია შემდგომში „შემსყიდველი“, წარმოდგენილი მისი პრორექტორის ზაალი კაპანაძის სახით, მეორეს მხრივ ----- შემდგომში „მიმწოდებელი“, წარმოდგენილი მისი დირექტორის ----- სახით, ხოლო ორივე ერთად შემდგომში წოდებული როგორც “მხარეები” ვხელმძღვანელობთ რა საქართველოში მოქმედი კანონმდებლობით, გამარტივებული ელექტრონული ტენდერის (SPA-----) ჩატარების შედეგად ვდებთ სახელმწიფო შესყიდვის შესახებ ხელშეკრულებას შემდეგზე:

1. გამოყენებულ ტერმინთა განმარტებები

- 1.1 „ხელშეკრულება სახელმწიფო შესყიდვის შესახებ“ (შემდგომში “ხელშეკრულება”) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას წინამდებარე ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

- 2.1 შსს აკადემიის მიერ (CPV-----) შესყიდვა.

3. ხელშეკრულების ღირებულება

3.1 შესყიდვის ობიექტის ფასი განისაზღვრება ეროვნულ ვალუტაში, ლარში.

3.2 ხელშეკრულების ღირებულება შეადგენს ----- ლარს.

3.3 ხელშეკრულების ფასი შეიცავს მიმწოდებლის ყველა ხარჯს, დაკავშირებულს საქონლის მიწოდებასთან და შემსყიდველის საკუთრებაში გადაცემასთან, მათ შორის, დამატებითი ღირებულების გადასახადს.

4. მხარეთა ვალდებულებები და პასუხისმგებლობა

4.1 მიმწოდებელი იღებს ვალდებულებას მიაწოდოს შემსყიდველს ----- ხელშეკრულების პირობებისა და დანართი №1-ის შესაბამისად.

4.2 მიმწოდებლის მიერ მიწოდებული შესყიდვის ობიექტი უნდა შეესაბამებოდეს მხარეთა მიერ შეთანხმებულ ხარისხს, ხოლო ასეთი შეთანხმების არ არსებობის შემთხვევაში შესყიდვის განხორციელების მიზნის შესაბამის ხარისხს.

4.3 მიმწოდებელი ვალდებულია განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.

4.4 მიმწოდებელი ვალდებულია დაუყოვნებლივ გამოასწოროს შემსყიდველის მიერ აღმოჩენილი ხარვეზი.

4.5 შემსყიდველი ვალდებულია აუნაზღაუროს მიმწოდებელს ხელშეკრულების ფასი, ხელშეკრულებით გათვალისწინებული ოდენობისა და ფორმის შესაბამისად.

4.6 საქონლის მიწოდების ვადის გადაცილების შემთხვევაში მიმწოდებელს შემსყიდველის სასარგებლოდ დაეკისრება საურავის გადახდა მიუწოდებელი საქონლის ღირებულების 1%-ის ოდენობით ყოველ გადაცილებულ დღეზე.

4.7 შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულების სრულად შეუსრულებლობის შემთხვევაში, მიმწოდებელს დააკისროს ჯარიმა მიუწოდებელი საქონლის ღირებულების 2%-ის ოდენობით.

5. შესყიდვის ობიექტის მიწოდების წესი, ვადები და ადგილი

5.1 მიმწოდებელმა შემსყიდველს ამ მუხლით განსაზღვრულ ვადაში და ადგილზე უნდა მიაწოდოს უფლებრივად და ნივთობრივად უნაკლო, სათანადოდ შეფუთული და სრული დოკუმენტაციის თანხლებით წარმოდგენილი საქონელი.

5.2 შესყიდვის ობიექტი მიწოდებულად ჩაითვლება მხარეთა მიერ შესაბამისი დოკუმენტაციის (მიღება – ჩაბარების აქტი და სხვა...) სრული მოცულობით გაფორმების შემდეგ.

5.3 საქონლის მიწოდებამდე, მის დაღუპვაზე, გაფუჭებაზე და მასთან დაკავშირებულ ნებისმიერ შესაძლო რისკებზე სრული პასუხისმგებლობა ეკისრება მიმწოდებელს, ხოლო მიწოდების შემდეგ აღნიშნული ვალდებულება ეკისრება შემსყიდველს.

5.4 შესყიდვის ობიექტის მიწოდება განხორციელდება ხელშეკრულების გაფორმებიდან 10 დღის ვადაში.

5.5 შესყიდვის ობიექტის მიწოდების ადგილია: ქ. თბილისი, გმირ კურსანტთა ქ. №1.

6. ანგარიშსწორების ფორმა, წყარო და ვადები

6.1 ანგარიშსწორება განხორციელდება უნაღდო ანგარიშსწორებით.

6.2 ანგარიშსწორების წყაროს წარმოადგენს სსიპ საქართველოს შსს აკადემიის საკუთარი შემოსავლები.

6.3. შემსყიდველი იღებს ვალდებულებას გადაუხადოს მიმწოდებელს ამ ხელშეკრულებით განსაზღვრული ღირებულება საქონლის გადაცემის შემდეგ 15 კალენდარული დღის ვადაში კანონმდებლობით დადგენილი შესაბამისი დოკუმენტაციის წარმოდგენის საფუძველზე.

7. ხელშეკრულების ინსპექტირების პირობები

7.1 შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

7.2 ხელშეკრულების ინსპექტირებას შემსყიდველის მხრიდან განახორციელებს შსს აკადემიის -----
-----.

7.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

7.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია განახორციელოს მიწოდებული საქონლის მხარეთა მიერ შეთანხმებულ ხარისხთან, ხოლო ასეთი შეთანხმების არარსებობის შემთხვევაში საერთაშორისო და საქართველოში არსებულ ხარისხის სტანდარტებთან შესაბამისობის კონტროლი.

7.5 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით ფორმით აცნობებს მიმწოდებელს წუნდების მიზეზების მითითებით.

7.6 იმ შემთხვევაში, თუ შემოწმების შედეგად დადგინდება მიწოდებული საქონლის ხარისხის შეუსაბამობა ამ მუხლით გათვალისწინებულ სტანდარტებთან, მიმწოდებელი ვალდებულია გამოსწოროს წუნი გონივრულობის ფარგლების გათვალისწინებით უმოკლეს ვადაში.

8. ფორს-მაჟორი

8.1 მხარეები თავისუფლდებიან წინამდებარე ხელშეკრულებით გათვალისწინებული პასუხისმგებლობისაგან, როდესაც ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობის არსებობით.

8.2 ფორს-მაჟორულ მდგომარეობად ითვლება წინასწარ განუსაზღვრელი ნებისმიერი გარემოების არსებობა, რომელიც მხარისგან დამოუკიდებელი მიზეზის გამო წარმოადგენს დაუძლეველ ძალას (სტიქიური უბედურება, საომარი ან საგანგებო მდგომარეობა, ეპიდემია, კარანტინი და სხვა) და შეუძლებელს ხდის მის მიერ ნაკისრი ვალდებულების შესრულებას.

8.3 ფორს-მაჟორული გარემოებების დადგომის შემთხვევაში იმ მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების დადგომის და მათი გამომწვევი მიზეზების შესახებ არაუგვიანეს 10 კალენდარული დღისა. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოსწავოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

8.4 მხარეების მიერ ხელშეკრულებით განსაზღვრული ვალდებულებების შესრულება გადაიდება ფორს-მაჟორული გარემოების ლიკვიდაციამდე.

9. საგარანტიო ვადა

9.1. მიწოდებულ საქონელზე ვრცელდება მინიმუმ 1 (ერთი) წლიანი საგარანტიო ვადა, რომელიც აითვლება შესყიდვის ობიექტის შემსყიდველისათვის გადაცემის მომენტიდან.

9.2. საგარანტიო ვადა გულისხმობს შესყიდვის ობიექტის დაზიანების შემთხვევაში მის სათანადო შეკეთებას, ხოლო შეკეთების შეუძლებლობის შემთხვევაში მის შეცვლას ახლით.

10. ხელშეკრულების მოქმედების ვადა

10.1. ხელშეკრულება ძალაში შედის მისი ხელის მოწერის დღიდან და მოქმედებს -----
----- ჩათვლით, მხარეთა მიერ ხელშეკრულებით გათვალისწინებული ვალდებულებების სრულ და ჯეროვან შესრულებამდე.

11. შესყიდვის ობიექტის მიღება-ჩაბარების წესი

11.1. შესყიდვის ობიექტის გადაცემა დასტურდება მხარეთა უფლებამოსილი წარმომადგენლების მიერ ხელმოწერილი, კანონმდებლობით დადგენილი შესაბამისი დოკუმენტაციის (მიღება-ჩაბარების აქტი) გაფორმებით.

12. დავების გადაწყვეტის წესი

12.1 მხარეებს შორის ყველა დავა და უთანხმოება, წარმოქმნილი ხელშეკრულებასთან დაკავშირებით გადაწყდება მხარეთა შორის ურთიერთმოლაპარაკების გზით.

12.2. თუ მოლაპარაკების შედეგად მხარეები გონივრულ ვადაში ვერ შეძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია მიმართოს სასამართლოს.

13. დასკვნითი დებულებები.

13.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2 ხელშეკრულებაში დამატებების ან/და ცვლილებების შეტანა შესაძლებელია მხოლოდ მხარეთა შორის წერილობითი ფორმით დადებული შეთანხმების გაფორმების საშუალებით.

13.3 შეთანხმება ხელშეკრულებაში ცვლილებების ან/და დამატებების შეტანის თაობაზე უნდა დაერთოს ხელშეკრულებას და იგი წარმოადგეს ხელშეკრულების განუყოფელ ნაწილს.

13.4 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში.

13.5 ყველა ის საკითხი, რომელიც არ არის მოწესრიგებული წინამდებარე ხელშეკრულებით და ეხება შემსყიდველსა და მიმწოდებელს შორის არსებულ ურთიერთობას, წესრიგდება საქართველოს კანონმდებლობით.

13.6 ხელშეკრულება ფორმდება 2 (ორი) თანაბარი იურიდიული ძალის მქონე იდენტურ ეგზემპლარად. ერთი ეგზემპლარი განკუთვნილია მიმწოდებლისთვის, ხოლო მეორე – შემსყიდველისთვის.

მხარეთა იურიდიული მისამართები და რეკვიზიტები

შემსყიდველი:

ს.ს.ი.პ – შინაგან საქმეთა სამინისტროს

აკადემია, თბილისი, გმირ კურსანტთა ქ.№1

ტელ: 2 41-36-48; 2 41-36-42

სახელმწიფო ხაზინა

საიდენტ/კოდი 209467628

პრორექტორი _____

ბ. ა.

მიმწოდებელი:

დირექტორი _____

ბ. ა.

1. პრეტენდენტის რეკვიზიტები

პრეტენდენტის იურიდიული ფორმა და დასახელება	
ხელმძღვანელის სახელი, გვარი	
პრეტენდენტის იურიდიული და ფაქტიური მისამართი	
საიდენტიფიკაციო კოდი	
პრეტენდენტის ტელეფონის ნომერი	
მომსახურე ბანკის დასახელება	
ბანკის კოდი	
ანგარიშსწორების ანგარიში	

2. ინფორმაცია სატენდერო წინადადების მოქმედების ვადის თაობაზე

2011 წლის 7 აპრილის #9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ კანონქვემდებარე აქტის, მე-10 მუხლის პირველი პუნქტის თანახმად, სატენდერო წინადადება ძალაშია ამ წესის მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

პრეტენდენტის ხელმოწერა

ბ.ა.

ფასების ცხრილი

პრეტენდენტის დასახელება _____

№	დასახელება	აღწერილობა	განზ.	რაოდ.	ერთ. ფასი	ჯამი	საქონლის მწარმოებელი ქვეყანა და მოდელი
1	წელის საცირკულაციო ტუმბო	UPS 65/180F, თუჯის კორპუსით, სველ როტორიანი, მუშა ბორბალი უჟანგავი ფოლადის; მაქსიმალური მიწოდება 69 კუბი საათში; მიწოდების სიმაღლე 18მ; მაქსიმალური წნევა 10 ბარ.; მანძილი მიღტუნებს შორის 280მმ; წონა 32.7 კგ; ძაბვა 3X400 ვ; 3 სიჩქარიანი, სიმძლავრე 1100/1200/1550 ვტ.	ცალი	1			
2	წელის საცირკულაციო ტუმბო	UPS 50/185F, თუჯის კორპუსით, მუშა ბორბალი უჟანგავი ფოლადის; მაქსიმალური მიწოდება 30 კუბი საათში; მიწოდების სიმაღლე 18.5მ; მაქსიმალური წნევა 10 ბარ.; მანძილი მიღტუნებს შორის 280მმ; წონა 28 კგ; ძაბვა 3X400 ვ; სიმძლავრე: 870/965/1265	ცალი	1			
3	წელის საცირკულაციო ტუმბო	BPH60/340 65 T გათბობა: კონდიციონერების სისტემების სველ როტორიანი საცირკულაციო ტუმბო; ჰიდრაულიკის კორპუსი: თუჯი; ძრავის კორპუსი: ალუმინის შენადნობი; ძრავის ღერძი, სტატორის და როტორის კორპუსი: უჟანგავი ფოლადი; მოტორის ღერძი: უჟანგავი ფოლადი; ჩამკეტი ფლიანეცი: უჟანგავი ფოლადი; ძრავის ტიპი: სამფაზიანი, ორსიჩქარიანი მუშაობის რეჟიმი; სითხის დასაშვები ტემპერატურა: -10-დან +110 გრადუსამდე; ძაბვა: 3X400 ვ; დაცვის კლასი: IP44; იზოლაციის კლასი: F;	ცალი	1			
საერთო ღირებულება							

პრეტენდენტის ხელმოწერა _____

ბ.ა.